



Cusseglier guvernativ Christian Rathgeb e sia partenaria e donna futura Monika Gartmann sin via en la Chasa RTR. FOTOS G. N. STGIER

Tuttina gi dapli effect che supponì

Reacziuns dals candidats

DA GION NUTEGN STGIER / ANR

■ **Pulita tensiun tar ils set candidats ch'han candidà per la regenza. Unisono han els ditg ch'il scandal da cartel pervia da las convegnas da pretschs en la bransch da bajegiar hajan gi ina gronda influenza sin il cumbat electoral e sin las elecziuns.** A partir da las 14.00 è in candidat suenter l'auter cumparà ier en la Chasa RTR nua ch'igl è vegnì endrizza in uschenumnà studio electoral. Sco emprim dals set candidats è **Linar Bardill** vegnì per dar pled e fatg als numerus schurnalists. En in culp è el stà circumdà dals represchentants da las collavuraturas da las medias chantunales e naziunales.

Tiers in bun resultat in pau dischillisiunà

Bardill, el ch'ha fatg cun 12206 vuschs in resultat remarcabel, ha ditg ch'el saja bain in pau dischillisiunà e tuttina fetschia quel en ina moda plaschair. Ses resultat confermia ch'ina gronda part da la populaziun na gjaja betg a pèr cun la regenza. Bunamain 10% da tut ils electurs avessan gi il curaschi da far ina midada en la composiziun da la regenza ed er da dar a quella cun el novs impuls, ha ditg Bardill. Quellas vuschs ch' hajan fatg na sajan betg vuschs da protest, dentant avessan quels electurs ed electuras gi la speranza ch'èn la regenza sufflassia in auter vent.

Grazia al ferm sustegn da la Surselva Il pli ventiraivel dals set candidats era suenter esser enconuschents ils resultats **Marcus Caduff**. El n'haja betg anc analisà tuts resultats, però en Surselva haja el gi in ferm sustegn. Sia elecziun saja bain er il maletg da la politica reala ch'el haja fatg ils davos otg onns. Plaschair haja el er d'avair fatg en bleras regiuns vuschs, quai ch'era betg per seaz. Quai che pertutga la repartiziun dals departaments, quai haja da far la regenza.

Fitg cuntent

Mario Cavigelli, el ch'ha fatg il segund meglier resultat, ha ditg ch'el saja pli che cuntent. Il cumbat electoral saja stà fitg intensiv, pretensius, lura er stentus pervia dal scandal da cartel per ils pretschs dals impressaris da construcziun en l'Engiadina Bassa. El saja fitg losch che la pcd haja suenter 20 onns danovamain dus sezs en la regenza. L'effect pli grond en connex cun las tschernas da la regenza hajan cler gi ils fatgs enturn il scandal gia numnà che la chatscha, il scandal ch'haja purtà tuttina intginas vuschs als novs candidats.

Grazia al bun cumbat electoral

Peter Peyer, il candidat da la ps e succesor da cusseglier guvernativ **Martin Jäger**, ha menziunà che cun ir en tuttas regiuns sin via ad occurrenzas politicas ed ad au-

ters events saja stà pussaivel da persuader blers electurs. El haja fatg ina campagna electorala constructiva e reala ed uschia er gudagnà intginas vuschs. Losch saja el d'avair fatg a Curia las pli bleras vuschs, ha menziunà Peyer. Bel saja er che a Trin haja el survegnì las pli bleras vuschs.

In laud a ses collavuratur

Las pli bleras vuschs ha retschet **Christian Rathgeb**, il cusseglier guvernativ da la pld. Ils davos quatter onns haja el para fatg buna politica, ina politica che la populaziun haja quitta cun dar ad el bleras vuschs. Rathgeb ha dentant er ludà fitg ses collavuratur che prestan lavur exemplarica e che'hajan er in grond merit da sia reelecziun onuraivla. Quai che pertutga la midada en in auter departament saja ina chausa da l'entira regenza.

Jau hai d'acceptar quel resultat

Cun **Walter Schlegel**, il cumandant da la polizia chantunala, vuleva la pps turnar suenter il 2008 puspè en la regenza. Sco para haja il scandal dals impressaris da construcziun en l'Engiadina Bassa tuttina gi in tschert effect er sin sia elecziun. El saja bain in pau dischillisiunà, dentant resta pauc auter che d'acceptar il resultat stgars. Fatg haja el in ferm ed activ cumbat electoral.



Cusseglier guvernativ Jon Domenic Parolini durant il retschaiver il bellet per l'emission da televisiun dad RTR.



In ventiraviel nov cusseglier guvernativ: Marcus Caduff.



Cuntent era suenter sia elecziun er il nov cusseglier guvernativ Peter Peyer.



Linard Bardill ha fatg in bun resultat.



Cusseglier guvernativ Mario Cavigelli en discurs cun in schurnalist.



Bain in pau schlagà: Heinz Brand (a san.) e Walter Schlegel da la pps.